



## ԶԵԿՈՒՅՑ

### «Ընտանեկան բռնության կանխարգելման և դրա դեմ պայքարի մասին» ՀՀ օրենքի նախագծի մասին հանրային դաշտում ապատեղեկատվություն տարածող խմբերի մասին

Ինչպես հայտնի է, շաբաթներ առաջ Հայաստանում մեծ աղմուկ բարձրացավ կապված «Ընտանեկան բռնության կանխարգելման և դրա դեմ պայքարի մասին» ՀՀ օրենքի նախագծի հետ: Բազմաթիվ [ապատեղեկատվություններ](#) տարածվեցին, ինչը գուցորդվեց արևմուտքի դեմ [մեղադրանքներով](#):

Մի կողմ թողնելով օրենքի նախագծի բովանդակային քննարկումը՝ «Իրազեկ քաղաքացիների միավորումը» որոշեց անդրադառնալ ամիսներ շարունակ այդ օրենքի նախագծի դեմ պայքարած և այն որպես «հայկական բարոկայանության դեմ Եվրոպայի պարտադրանք» ներկայացրած խմբերին:

#### «Համահայկական ծնողական կոմիտե»

Օրենքի դեմ ամենաակտիվ խոսողներից մեկը Արման Բոշյանն է: Նա ղեկավարում



Արման Բոշյանը «Մպլոտնիկ Արմենիա»-ում

է [«Համահայկական ծնողական կոմիտե»](#)-ն և դեռևս 2013 թվականից անհանդուրժողականություն էր տարածում կնոջ և տղամարդու հավասարության օրենքի դեմ՝ ֆեյսբուքյան [էջի](#) և [յութուբյան](#) բլոգի միջոցով: Այսօր նա գրող-հրապարակախոս [Լիա Ավետիսյանի](#) հետ միասին քարոզում է չընդունել ընտանեկան բռնությունը դատապարտող օրենքը:

Նշենք, որ «Համահայկական ծնողական կոմիտեն» Ռուսաստանում գործող հայազգի Սերգեյ Կուրզինյանի հիմնադրած «Համառուսական ծնողական դիմադրություն» շարժման ոչ պաշտոնական մասնաճյուղն է: Կուրզինյանը, իր հերթին, ակտիվորեն սատարում էր Ռուսաստանի ռազմական ագրեսիան արևելյան Ուկրաինայում:

Այսպես, օրինակ, Ուկրաինայում ռուսական ուժերի կողմից «Բուկ» համակարգով մալազիական բոինգը խոցելուց շաբաթներ առաջ Կուրզինյանը Դոնեցկում [հայտարարել](#) էր, որ «իրական քաղաքացիական հասարակությունը այն էլեկտրոնիկներն են, ովքեր այժմ վերանորոգում են «Բուկ» համակարգերը»:



Արման Դուկասյանը և Սերգեյ Կուրզինյանը

Ընդ որում, ինչպես երևում է նկարից, Կուրգինյանի հետ ծանոթ է նաև Արման Ղուկասյանը (ու՛մ անվանը կհանդիպենք ստորև):

### «Stop G7»

[Stop-g7.com](http://Stop-g7.com) կայքում ու համանուն յուրօրյան ալիքում ուղղակիորեն տարածվում է քարոզ ընդդեմ ընտանեկան բռնության դեմ օրենքի: Այս թիմը էլ ավելի հեռու է գնում ոչ միայն դատապարտում է օրենքը, այլ անգամ ընտանեկան բռնության դեմ պայքարն, առհասարակ:



Facebook-ում առկա [Stop G7 in Armenia](http://Stop G7 in Armenia) փակ խումբն ուսումնասիրելիս կարելի է պատկերացում կազմել, թե ովքեր են առնչվում այս թիմին: Այստեղ է [Արման Բոշյանը](#), Լիա Ավետիսյանը և Իրավունք թերթի խմբագիր Հովհաննես Գալաջյանը ինչպես նաև [Հայկ Այվազյանը](#) (ով խմբի ադմինիստրատորն է):

Հայկ Այվազյանը «Մպուտնիկ Արմենիա»-ում «բացահայտումով», որ ՀՀ-ում ԱՄՆ ֆինանսավորմամբ գործող լաբորատորիաներում կենսաբանական զենք է պատրաստվում և դա սպառնալիք է հանդիսանում Հայաստանի ազգային անվտանգությանը (այդ տեղեկությունները բացահայտ սուտ լինելը հեշտությամբ [բացահայտվեց](#)):

### «Երևանյան աշխարհաքաղաքական ակումբը»

Օրենքի դեմ ակտիվ գործում է նաև «[Երևանյան աշխարհաքաղաքական ակումբը](#)» («Ереванский геополитический клуб»), որտեղ կրկին հանդիպում ենք ինչպես Արման Բոշյանին այնպես էլ Հայկ Այվազյանին և Լիա Ավետիսյանին: Այստեղ Հայաստանին վերաբերող բոլոր «վերլուծությունները» ներկայացված են ռուսերեն լեզվով, կարծես դրանք միտված են ոչ թե հայաստանցիներին, այլ ռուսաստանցիներին:

Այս ակումբի տեսանյութերից մեկում քննարկմանը մասնակցում է նաև ռուսական [պետական](#) «[Россотрудничество](#)» դաշնային գործակալության Երևանյան գրասենյակի ղեկավար և Հայաստանում ՌԴ դեսպան Իվան Վոլինկինի օգնական Մարկ Կալինինը, իսկ նրա կողքին նստած է ՀԱՍԱԿ կուսակցության նախագահ [Արման Ղուկասյանը](#):



Արման Ղուկասյանը՝ «Ռուսատրուդնիչեստվոյի» հայաստանյան մասնաճյուղի ղեկավար Մարկ Կալինինի հետ

## ՀԱՄԱԿ կուսակցություն

Արման Ղուկասյանը և Հանուն սոցիալական արդարության կուսակցության ([ՀԱՄԱԿ](#)) փոխնախագահ [Ծովինար Կոստանյանը](#) հայտնի են համացանցում իրենց ռուսամետ դիրքորոշմամբ և ակտիվ հրապարակում են լուսանկարներ ՌԴ դեսպանի, ինչպես նաև ռուսական հայտնի քաղաքական գործիչների հետ: Նրանք գործնականում չեն ժխտում, որ հովանավորվում են ՌԴ դեսպանատան կողմից:

Արման Ղուկասյանը իր կուսակցության անդամների հետ ևս միացել է ընտանեկան բռնությունը դատապարտող օրենքի դեմ քարոզին: Ընդ որում, հատկանշական է, որ Արման Ղուկասյանը և Ծովինար Կոստանյանը նաև ղեկավարում են «Միջազգային հումանիտար զարգացում» ՀԿ-ն, որը ևս անմասն չի մնում այս քարոզչությունից:



Արման Ղուկասյանը և ՌԴ դումայի փոխխոսնակ Վլադիմիր Վրինովսկին

Հիշեցնենք, որ Ղուկասյանը հանդես էր եկել հայտարարությամբ, իբրև մի շարք հասարակական կազմակերպություններ և լրագրողներ ամռանը ՊՊԾ գնդի գրավման օրերին փորձում էին Հայաստանում «գունավոր» հեղափոխություն իրականացնել: Ղուկասյանի այդ հարցազրույցը հրապարակվել է ռուսական [sputnikarmenia](#) կայքում: Հայաստանում «Գունավոր հեղափոխության» իր այդ գաղափարները Ղուկասյանը ներկայացրել է նաև [Արդարացի](#) և [Ազգայնական](#):

Ղուկասյանը նաև խոստացել էր մինչև օգոստոս ամսվա ավարտը հրապարակել «ամերիկացի գործակալների ցանկը»: Օրեր անց հրապարակվեց մի [տեսանյութ](#), որում որոշ քաղաքական գործիչներ, ընդ որում ինչպես իշխանական, այնպես էլ ընդդիմադիր մեղադրվում են ԱՄՆ «գործակալներ» լինելու մեջ:

Տեսանյութում նաև հրապարակվեցին ԱՄՆ մի շարք դիվանագետների անձնագրերի սքանները, և հիմնավոր [ապացույցներ](#) կան, որ դրանք, ստացվել էին ՌԴ ԱԴԾ-ի (ՓՇԵ) միջոցով: Ընդ որում, տեսանյութը հրապարակվեց ոչ թե Հայաստանում, այլ արևելյան Ուկրաինայում (Դոնեցկի ինքնահռչակ հանրապետությունում) գործող ռուսամետ մի բլոգեր, ինչը էականորեն դժվարեցրեց անձնագրերի սքանների արտահոսքի



Արման Ղուկասյանը և Արման Բոշյանը «իրավունք» թերթում

աղբյուրի բացահայտումը (սակայն ակնհայտ էր, որ դրանց հետևում հատուկ ծառայություններն են):

### «Լույս» տեղեկատվական վերլուծական կենտրոն

Ֆեյսբուք սոցիալական ցանցում գործում է նաև «[Լույս](#)» տեղեկատվական-վերլուծական կենտրոնը: Այստեղ նույնպես կարող ենք տեսնել նույն զավեշտալի հրապարակումները Հայաստանի առողջապահական լաբորատորիաներում ԱՄՆ զինվորականների կողմից կենսաբանական զենք արտադրելու, ընտանեկան բռնության օրենքի դատապարտման և այլնի մասին:

Զավեշտալիորեն, այստեղ ևս հանդիպում ենք նույն անձանց՝ Հայկ Այվազյան և Արման Բոշյան: Այս խմբում հիմնականում հանդիպում են ռուսերեն լեզվով հրապարակումներ ու ռուսական առաջին հեռուստատալիքի տեսանյութեր:



Արման Ղուկասյանը և Հայաստանում ՌԴ դեսպան ն.գ. Բվան Վոլինկինը

անգամ եզակի հայերեն տեսանյութերի տակ միշտ ապահովված է ռուսերեն թարգմանությունը (թեև ռուսերեն նյութերը ոչ միշտ են թարգմանված հայերեն):

Նշենք որ «Լույս» տեղեկատվական-վերլուծական կենտրոնը դիմել է [գրանտի](#) Գորչակովի անվան ռուսական ֆոնդին, որի [հոգաբարձուների խորհրդի](#) նախագահը անձամբ Ռուսաստանի Արտաքին գործերի նախարար Սերգեյ Լավրովն է:

«Գորչակովի» հիմնադրամը ստեղծվել է 2010 թվականի փետրվարի 2-ի ՌԴ այն ժամանակվա նախագահ Դմիտրի Մեդվեդևի հրամանով և ֆինանսավորվում է անմիջապես ռուսական պետական բյուջեից:

### «Հանուն ինքնիշխանության վերականգնման»

Հայկ Այվազյանի գլխավորությամբ գործում է նաև «Հանուն ինքնիշխանության վերականգնման» նախաձեռնությունն ու [կայքը](#), որը առավել ակտիվորեն է մասնակցում ԵԱՏՄ-ի ու Կրեմլի այլ նախաձեռնությունների առաջնորդմանը:

Այս ռեսուրսը, սակայն, առավել աչքի է ընկնում ոչ միայն ընտանական բռնության դեմ օրենքի դեմ պայքարով, այլ, առհասարակ, հակաարևմտյան ապատեղեկատվությամբ: Այս թիմի [հրապարակումները](#), հստակ արևմուտքը ներկայացնում են որպես Հայաստանի ռազմական թշնամի, իսկ Ռուսաստանը՝ որպես հիմնական դաշնակից:

ԱՄՆ կողմից Հայաստանում կենսաբանական զենքերի ստեղծման մասին ապատեղեկատվությունն այս խումբը ներկայացնում է որպես «վտանգ Հայաստանի ինքնիշխանությանը»:

## Բլոգեր Տիգրան Քոչարյան («Փիդ») և այլոք

Բլոգեր [Տիգրան Քոչարյանը](#) արդեն տևական ժամանակ է, ինչ հայտնի է հասարակությանը իր պոռ-ռուսական և ավելի հաճախ հակաարևմտյան հրապարակումներով:



Տիգրան Քոչարյանն ու Արման Աբովյանը

Նա ակտիվորեն պայքարում էր նաև ընտանեկան բռնության կանխարգելման օրենքի նախագծի դեմ:

Քոչարյանը առանձնանում է ծայրահեղ անհանդուրժողականությամբ ԼԳԲՏ համայնքի հանդեպ: Նա հանդիսանում է նաև ռուսական «Կո? Դե? Կորձա?» խաղի հայկական ակումբի ղեկավար, որը ևս գործում է ռուսական գրանտերի հաշվին: Մասնավորապես՝ դրամաշնորհ է ստանում ՌԴ նախագահ Վլադիմիր Պուտինի հրամանով 2007 թվականին ստեղծված «Ռուսսկիյ միր» հիմնադրամից:

Քոչարյանը նաև [հանդիսանում](#) է Գորչակովի անվան հիմնադրամի ակումբի անդամ:

Քոչարյանի հետ միասին համացանցում հասարակական տրամադրությունների մանիպուլյացիայով զբաղվում է ևս մեկ ռուսամետ բլոգեր և Քոչարյանի մտերիմ ընկեր [Արման Աբովյանը](#): Վերջինս առանձնանում է ռուսերեն լեզվով գրառումներ կատարելով և stop-g7.com կայքի նյութերի հրապարակումներով:

Արման Աբովյանը «Ռադիո ՎԱՆ»-ում հաղորդում է վարում, որի սահմաններում ևս զբաղվում է իր գաղափարների առաջմղմամբ: Աբովյանի՝ ռուսերեն «Грани правды», («Ճշմարտության եզրերը») հաղորդման շնորհիվ «Ռադիո ՎԱՆ»-ը դասվել է «Ռուսսկիյ Միր» հիմնադրամի գործընկերների ցանկին: Ու թեև այս հաղորդման համար դրամաշնորհ ստանալու մասին ապացույցներ չկան, սակայն հաղորդման մյուս հաղորդավար՝ Եգոր Գլումովը Կրեմլի հայտնի պրոպագանդիստ Դմիտրի Կիսելյովի գլխավորած «Գրիբոյեդով» ակումբի անդամ է:

Քոչարյանը և Աբովյանը Facebook ցանցում ունեն ավելի քան 15 հազար հետևորդ (ընթերցող):

## Իրավունք թերթ

[Իրավունք](#) թերթը հանդիսանում է Հայաստանում գործող այն լրատվամիջոցներից մեկը (փաստացի՝ դեղին), որը առանձնանում է իր ծայրահեղ անհանդուրժողականությամբ հասարակության տարբեր խոցելի խմբերի հանդեպ:

Թերթը հաճախ հրապարակում է վիրավորական [նյութեր](#) հանրապետության մի շարք քաղաքական և պետական գործիչների լուսանկարներով:

Թերթը պատկանում է ԱԺ ՀՀԿ խմբակցության պատգամավոր Հայկ Բաբուխանյանին: «Իրավունք» թերթի 25-ամյակի կապակցությամբ Սերժ Սարգսյանը պետական պարգևով է պարգևատրել թերթի գլխավոր խմբագիր [Հովհաննես Գալաջյանին](#) և թերթի տնօրեն Գեղամ Գրիգորյանին:




Հայկ Բաբուխանյանը և Արման Ղուկասյանը համատեղ ասուլիս են տալիս «Սպուտնիկ Արմենիա»-ում

Իրավունքը հարթակ է հանդիսանում ՀԱՍԱԿ կուսակցության անդամների և այլ ռուսական քարոզիչների համար: Այս թերթը անմասն չի մնացել ՀՀ-ում ԱՄՆ կենսաբանական զենքի մասին ապատեղեկատվությունը տարածելուց:

### «Սպուտնիկ Արմենիա»

Ռուսաստանյան «[Սպուտնիկ](#)» ռադիոկայանի հայաստանյան մասնաճյուղը ևս անմասն չի մնում օրենքի դեմ քարոզչությունից: Որպես կանոն, այդ նպատակով հարցազրույցներ են վերցվում ինչպես տարբեր [եկեղեցականներից](#), այնպես էլ նաև մեզ արդեն հայտնի Հայկ Այվազյանից ու Արման Բոշյանից:


«Սպուտնիկ Արմենիան» իր մամուլի կենտրոնի դռներն է բացում ընտանեկան բռնությունների օրենքի նախագծի դեմ պայքարողների ու հակաարևմտյան ապատեղեկատվության համար: Միայն դեկտեմբերի 19-ից 21-ն ընկած ժամանակահատվածում ընտանեկան բռնության օրենքի դեմ «Սպուտնիկ Արմենիան» իր իսկ մամուլի կենտրոնի մամուլի ասուլիսի մասին մի քանի նյութ է հրապարակել:



20:15 21.12.2016 **ՏԱՐԱԳՅԱՆ ԳԱԼԱՋՅԱՆԻ ԿԵՆՏՐՈՆԻՆ** 5

**«Ընտանեկան բռնության դեմ պայքարի մասին» օրենքի ստորջրյա խութերը**


Դեկտեմբերի 20-ին Sputnik Արմենիա մուլտիմեդիոն մամուլի կենտրոնում կայացավ ասուլիս, որի թեման էր «Ընտանեկան բռնության դեմ պայքարի նոր օրինագիծը բարեփոխում է, թե՛ չարիք մեր հասարակության համար»:



17:16 20.12.2016 1145

**Հայկական ընտանիք. ավանդույթները պահպանում են, օրենքը՝ քանդում**

Փորձագետները, գրողներն ու հոգևորականները դեմ են Հայաստանում «Ընտանեկան բռնության դեմ պայքարի մասին» օրենքի նախագծին, որը նրանց կարծիքով՝ կխաղի ավանդական ընտանիքի հիմքերն ու արժեքները:



13:15 19.12.2016 98

**Ասուլիս. «Ընտանեկան բռնության դեմ պայքարի մասին» օրենքի ստորջրյա խութերը**

Դեկտեմբերի 20-ին, ժամը 11:00-ին Sputnik Արմենիա մուլտիմեդիոն մամուլի կենտրոնում տեղի կունենա ասուլիս, թեման՝ «Ընտանեկան բռնության դեմ պայքարի նոր օրինագիծը բարեփոխում է, թե՛ չարիք մեր հասարակության համար»:

«Սպուտնիկ Արմենիայի» նյութը ԸԲ օրենքի մասին

Ընդ որում, կան հիմնավոր կասկածներ, որ ՀՀ կառավարությունը ուզում էր դեկտեմբերի 22-ի նիստում քննարկել «Ընտանեկան բռնության կանխարգելման և դրա դեմ պայքարի մասին» ՀՀ օրենքի նախագիծը, իսկ «Սպուտնիկ Արմենիան», տեղեկանալով այդ մասին, կանխարգելիչ քարոզչություն իրականացրեց:

Նշենք, որ ռուսաստանյան «Սպուտնիկ» ռադիոկայանը պատկանում է «Ռոսսիյա Ստոդնյա» [պետական](#)

ինֆորմացիոն գործակալությանը, որի [գլխավորում](#) է Կրեմլի հայտնի պրոպագանդիստ Դմիտրի Կիսելյովը:

«Մպուտնիկ Արմենիան» ևս լայնորեն տարածում էր ՀՀ-ում ԱՄՆ կենսաբանական զենքի մասին հրապարակումները:

### **Եզրահանգումներ**

Այսպիսով, կարելի է վստահաբար պնդել, որ «Ընտանեկան բռնության կանխարգելման և դրա դեմ պայքարի մասին» ՀՀ օրենքի նախագծի մասին հանրային դաշտում ապատեղեկատվություն տարածող, այն որպես «եվրոպական ու ամերիկյան հակաբարոյական պարտադրանք» ներկայացնող խմբերը, հիմնականում, կամ պոռ-ռուսական, կամ հենց ռուսաստանյան քարոզչության տարածողներն են:

Առավել ակտիվ դերակատարները այս կամ այն կերպ կապված են Երևանում ՌԴ դեսպանատան, ռուսական պետական «Ռոստոտրոլոնիչեստվո» հիմնադրամի, «Ռուսակիյ Միր» հիմնադրամի, կամ ՌԴ ԱԳՆ-ի «Գորչակով» հիմնադրամի հետ: Ավելին, այդ խմբերը նաև ակտիվորեն ներգրավված են Հայաստանում հակաեվրոպական ու պոռ-ռուսական քարոզչության մեջ: Իսկ անձանց մի մասը ներգրավված է նաև հակաարևմտյան ակտիվ ապատեղեկատվության տարածման մեջ:

Չի բացառվում, որ «Ընտանեկան բռնության կանխարգելման և դրա դեմ պայքարի մասին» ՀՀ օրենքի նախագծի մասին հանրային դաշտում ապատեղեկատվության տարածումը նպատակ է հետապնդել բացառապես հակաարևմտյան տրամադրությունների զարգացման:

*«Իրազեկ քաղաքացիների միավորում»*

*23.12.2016թ. Երևան*